

Broj: 02-02/4-540/18 AB
Sarajevo, 15.10.2018. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i čl. 12. i 15. stav (3) tačka f) Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), federalni ministar rada i socijalne politike, **donosi**

ODLUKU

o usvajanju Trogodišnjeg plana rada Federalnog ministarstva rada i socijalne politike za period 2019-2021 godina

I

Usvaja se Trogodišnji plan rada Federalnog ministarstva rada i socijalne politike za period 2019-2021 godina, koji se nalazi u prilogu ove odluke i čini njen sastavni dio.

II

Ova odluka stupa na snagu danom donošenja i objavit će se na web stranici Federalnog ministarstva rada i socijalne politike.

DOSTAVLJENO:

- Kabinetu ministra
- Sektoru za pravne i kadrovske, ekonomsko-finansijske i opće poslove
- a/a



MINISTAR

[Signature]
Vesko Drljača

O b r a z l o ž e n j e

I PRAVNI OSNOV

Pravni osnov za donošenje odluke je u članu 56. Zakona o organizaciji organa uprave u Federaciji Bosne i Hercegovine, kojim je propisano da federalnim ministarstvom rukovodi ministar, kao i da ministar donosi podzakonske propise i druge opće i pojedinačne akte za koje je zakonom ovlašten. Nadalje, odredbom člana 12. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14) propisani su osnovni principi pripreme trogodišnjeg plana rada federalnih ministarstava i institucija, a odredbom člana 15., stav (3) tačka f) propisano je da rukovodilac federalnog ministarstva i institucije, najkasnije do 30.11. godine koja prethodi trogodišnjem periodu, usvaja trogodišnji plan i zatim se isti objavljuje na internet stranici federalnog ministarstva i institucije.

II RAZLOZI ZA DONOŠENJE

Federalno ministarstvo rada i socijalne politike je dana 30.04.2018. godine dostavilo Komisiji za programe i izvještaje o radu Vlade FBiH Inicijalni trogodišnji plan rada Federalnog ministarstva rada i socijalne politike za period 2019-2021 godina. Inicijalni trogodišnji plan izmijenjen je i dopunjen u dijelu koji se odnosi na usklađenost sa Programom javnih investicija i Dokumentom okvirnog budžeta. Također, Vlada Federacije BiH je aktom broj: 03-02-594/2018 od 16.05.2018. godine dostavila zaključke broj: 03/7-02-2074, 2075, 2076/17 od 11.05.2018. godine, koje je Dom naroda Parlamenta Federacije BiH usvojio dana 10.05.2018. godine, a nakon razmatranja Izvještaja Parlamentarne komisije odgovorne za reviziju o revizorskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu. Navedenim zaključcima je, između ostalog, odlučeno i da su resorna ministarstva u obavezi da uvrste preporuke revizije iz izvještaja finansijske revizije u svoje godišnje programe rada.

Obzirom da je u skladu sa članom 5. stav 1. tačka d) Trogodišnji plan rada usaglašen sa Dokumentom okvirnog budžeta, kao i preporukama Parlamentarne komisije, ovom odlukom se usvaja Trogodišnji plan rada za period 2019-2021 godina. Imajući u vidu da Komisija za programe i izvještaje o radu Vlade FBiH nije dostavila primjedbe na Inicijalni trogodišnji plan, a u cilju osiguranja blagovremenog i transparentnog planiranja rada Ministarstva, usvaja se Trogodišnji plan rada Federalnog ministarstva rada i socijalne politike za period 2019-2021 godina i isti dostavlja nadležnoj Komisiji, uz napomenu da će se po zaprimanju svih eventualnih primjedbi i sugestija nadležne Komisije, usvojeni plan izmijeniti.